

肥鄉縣志卷之五

藝文下目次

公移 三首

明

公審編移

李 拭

興社倉移

李 拭

修學舍移

李 拭

碑

宋

肥鄉縣志

卷之五

洺州重建文宣廟碑

張 萃

金

洺州荆建文宣王廟碑

雁 雲

元

廣平路重修廟學碑

朱 繼雲

大學士竇公神道碑

王 磐

明

重修儒學碑

郭 郭

荆建碧霞元君行祠碑

梁 桐



重修李文靖公祠堂碑

徐瓊

重建李文靖公祠堂碑

李侃

重修李文靖公墓碑

郭鄂

虞城范郡丞攝篆德政碑

張懋勤

重修肥鄉城碑

王建中

邑侯王公重修肥鄉城碑

宋錦

永年縣丞郭謙墓誌

王鏊

處州知府郭忠墓誌銘

李東陽

貴州道御史蔣勛墓誌銘

車璽

肥鄉縣志

卷之五

河南道御史郭鄂墓誌銘

蔡昂

清澗知縣趙臣墓誌銘

盧英

鄉貢進士杜璧墓誌銘

盧英

潞安同知張應麒墓誌銘

申時行

博興知縣梁桐墓表

郭崇嗣

陝西副使郭崇嗣墓誌銘

張學顏

兵部尚書張學顏墓誌銘

劉元宸

戶部郎中賀君思墓誌銘

劉榮嗣

唐

平原君贊

晉劉邵人物贊

魏宋列人子贊

明

竇文正公贊

曹公司宰竇錄贊

詩

魏

肥鄉縣志

卷之五

三

浮萍

馮元興

明

古渡秋風

鄒理

矢臺晚眺

喬年

漳水春遊

蔣良寶

登蓬萊閣

郭璽

登崑陽樓觀洞庭湖

郭崇嗣

春日卜居

杜國華

新居社日見燕

杜國華

寒食

李良翰

山中曲

呂克聲

瑞峯庵和韻

張懋忠

漳河渡

張善教

宛懷草堂招飲

李愷

漳河

賀應旌

晚投山寺

張繹

大雪

張祖岱

輓路氏娣姒以兵亂投河死

李貞吉

肥鄉縣志

卷之五

四

公移

公案編移

明知縣李斌

查本縣累年原造審冊地畝之開收俱無下落甲戶之總撤亦無定準書手增減任意弊端漫無稽查有一家而花分數戶有一戶而飛走數甲或托親朋婿僕分領或詭異縣別社寄庄或假契出佃代納糧差或賄書縣閣不派糧草甚有并地欺隱絕未入冊與差者每當審編之年惟憑書手造報官司既安於久弊而委之、難稽民間亦習於作弊而不以為恠用致

肥鄉縣志

卷之五

五

弊端叢蠅不可爬梳貧民若累無所控訴間有少加之意者又止付之無可柰何遂令十畝貧戶之家亦派朋貼蓋徒知懲分地之富戶而不知適以困少地之貧戶也本職恭承委任特定審冊之規以為釐正之計祖孫父子兄弟叔侄各要明開舊管新收開除實在俱要下落甲戶之總撤務要相同屯社之總撤亦要相合依式造冊既完本職取入私衙親加磨對其奸弊猶十之七八因加痛懲責令改正蓋花分而合併者常濟等一千八百九十餘戶飛詭而首正者

馬永寧等七百九十餘戶出佃而收回者李旻等五百三十餘戶地畝之數隱首出者比舊增八頃八十五畝人丁之新報首出者比舊增九百四十餘丁本職就行據以編差凡往年躲避頭役富戶俱照地編貧不得幸免其五六十畝以下往年受累貧戶俱無派及朋貼見年應役及被災人戶俱酌量派與二年三年庶幾貧富勞逸皆得均適災傷人民亦得暫息但查得本縣節年以來訐首無糧地畝舊皆寄庫徵收以備縣堂公用及查收支之數絕無卷案可稽今

肥鄉縣志

卷之五

六

庫寄舊地四頃一十餘畝除靳文才孫紹貴等節告攤認空糧去地二頃五十一畝尚餘一頃六十七畝五分與前首出無糧地通共十頃五十二畝六分若復照舊空庫公用祇爲乾沒之資殊非光明之體查得本縣儒學新署學田一頃六十九畝與民一體納糧與差似爲未便合無俯從於內准除一頃六十九畝代認學糧餘地八頃八十三畝盡數入冊各歸本社准令原種人戶照例納糧與差攤入縣總舊額地內庶幾捐上益下庶民受不費之惠以無易有學校

裕供給之資宿弊一清而官民兩得矣

興社倉移

李 斌

照得民爲邦本食爲民天則積穀備荒乃有司之首務不待督責而所當自盡者也但本縣壤地褊小迭罹災傷而本職才識疎庸奉職無狀聽理詞訟多從民便數日間取一供審力聽其自認和息者卽立案遣之若欲于紙贖之數取盈勢必難及會逢今歲審編本縣人戶券契不明開收無據花分詭寄之弊甚多本職一一查出責令改正量准入穀免罪而和息

肥鄉縣志

卷之五

七

之情稍重者亦量處之除令冬季紙穀尚未登報以前三季共于官倉積過穀一千四百一十八石七斗二升又于書院學倉設處穀二百石於減定則例亦已無欠惟是連年屢行賑濟官倉餘穀無多尚遇不測重災雖使積穀及數猶恐無濟于事也因念社倉之制乃古人良法而本縣民俗浮移不善蓄積每年各村賽會歛聚錢銀召集娼優粧扮神像戲舞爲樂男女混雜所費不貲而泰山香錢出放率加十行利本職先任魏縣勸民將此香會銀錢盡易以穀除祭

神支用外其餘悉以濟人各於本村積爲社倉蓋兩月之間積穀八千二百餘石去歲水災魏民竟賴以給近於舉縣設立鄉約六十餘會仍令分行勸諭復捐祇候馬夫銀兩以倡之各村士民亦已相勸出穀據各鄉約會開報到縣共穀六千餘石而收完二堡義穀又六千五百石即今社倉未備權借民間空房貯之本職已將祇候馬夫銀兩散給各會以爲修造社倉之本待陸續措處造完然後收入每年青黃不接之時令其出放息止加二小饑加一大饑免息成

肥鄉縣志

卷之五

熟之年仍令各村量行添入此法若行之有常三年之間各村之穀殆將不可勝食但民情之誠僞不一而官司之意向不同若非出納有經奸民或因之以滋侵漁負騙之私官司或移之以補官倉積穀之數是非惟無益于民而且有害于民也然使經官查盤則又重爲民累即今民懷顧望尚切慮此合無俯從免其查盤止于本府管糧廳置循環簿二扇給付本縣每年春季放完秋季收完俱赴府倒換以備查考各村放出收完俱報本縣有不完者即呈本縣追納

或行佐貳催收其各村管理收放人每年輪一公直
殷實者爲保長以司出納量與免其火夫丁差以示
酬勸如此則一村之穀自足以養一村之民奸民不
得以負騙官司不得以那移即遇水旱凶災復有官
穀以濟之自是貧者不患于阻飢富者可免于勸借
而盜賊亦因以潛消地方之民永有賴矣

修學舍移

李 栻

竊惟學校乃賢才之攸關而作養係有司之職任本
縣有邑自古代不乏人然而學校雖脩號舍尚缺以
肥鄉縣志

卷之五

九

致諸生之會友皆無其所而教官之講課久廢人不
免于離群索居病自中于孤陋寡聞欲其義重襲樂
而合志同方德業疊疊日新人才彬彬日盛不可得
矣矧本縣民俗務本者多力學者少至有家累數頃
不識一丁村合百家儒無一人其讀書者又多或作
或輟一蹴中廢皆以星散寡侶而相觀無從故也本
職到任以來每月三次赴學聯屬會講孜孜勸誘頗
相信從然以居業無所敬處各鄉志意終難齊一與
業何田切磋商得本縣李文靖公祠內空地頗廣擬

蓋講堂一所學舍五十五間以大學三綱八條分號
每號五間廚房一十二間學倉二間量處穀石以爲
貧乏調恤之備及查得本縣本折馬頭編地均徭等
銀每名准除一兩五錢爲赴京上納壓墜使用餘四
兩五錢合追入官修學庶本折得以適均二季共該
銀一百一十八兩又富民李珖欺隱糧地三十二畝
今被李道首出共該銀六十四兩合無俯從追給管
工官徑自收領市買磚木即便興造不入庫以絕
嫌疑其餘工價容本職陸續查處工程完日另行申
肥鄉縣志

卷之五

十

報庶諸生居業有所而官司課督有規德業互相觀
摩而人才日以漸盛矣

碑

洺州肥鄉縣重建至聖文宣王廟碑

宋殿中丞張萃

大唐舉義旗誅僞夏據廣平郡闢萬春宮置列人營就積高之野牟四戰之利丁寅之籍既庶而悍難治久矣漢陽李公被廉察薦注令茲邑其始至方漳水決溢公戮力疏導民復墾時咸受其賜俄又構閹闈興垣墉于縣郭高賞之昨相慶而說隨因上丁躬祠于孔子之堂流齋昇作洗罍裸鬯執事者蒼黃跛倚

肥鄉縣志

卷之五

十一

臨之顧制度贊引無公協禮公慨然歎曰我炎宋重熙累洽文章之盛炳然與三代同風天聖四載詔下郡縣皆許建學除學官闡儒術而祀素王至于章服冕旒簠簋籩豆薦殮行事之儀悉圖寫以頒示何斯廟不遵彝典獨褻慢之甚豈有萬世帝王之師至聖文宣之號與社稷通祀載于著令之靈可比于縣官偃室之下耶吁令何顏以處吏民之上遂輯同寮謀之得縣宇東南隅隙地廣袤數百步仍募縉紳之流呻呶之衆梁棟之材瓌宏而阜積甃瓦之埴堅密而

鱗老版載畚鍤斤斲圻瓊匠徒輪作助善亡疲未逾
一時功即告畢請有堂拔舊架以崇之可陳函丈之
筵門有閱度鼎局而立之可納犧牲之列創兩序于
東西無慮二十四楹生員肄業賓旅清議經史寢閣
饗爨羞饋于是乎在正貌敞于前崛起巋然飛簷翼
軒當暑沍寒其圯頂之象穆粹之容笄弁瓌絃山龍
華繡餘吏走仙源模其法式以塑繪禮器之品椀蹶
宮篚罇彝杓杓按圖傳而改造故釋奠舍菜精嚴而
不黷飲福受胙興俛而有虔繇是見賢相之胄効官

肥鄉縣志

卷之五

十二

釐務非俗吏之可踰也大抵斯土凶僣昔巨盜輔公
柘杜伏威起豆子甌取徹侯封榮耀芬華爲時景慕
習以生常依而作好以狡黠草竊爲雄傑豪雋公銳
意興是學而祭聖師也淵有旨哉將誘掖流蕩漸磨
仁義裨悛跼蹻之性丕變洙泗之風壯者暇日修孝
弟于家長者頌白不提挈于路英才秀彥者趨公費
而修辭通經則取青紫如俯拾地芥爲公相于當世
書功名于史策必曰某賢洛肥鄉人也不其美歟則
李公之治跡雖西漢之卓魯未易過焉輿人樂而誦

曰我田漂溺李公穡之我即頽堯李公城之我有子弟李公教之李公旋歸誰其嗣之萃目擊其事請據實以書

洛州肥鄉縣新建至聖文宣王廟碑

金始平縣開國子賜紫金魚袋龐雲撰

自古之君天下國家者莫不師法孔子至隋唐之際天下州縣皆立學置學官生員而廟祭孔子以爲先聖又取及門高弟顏子配焉以爲先師釋奠之禮由是著令唐開元中封以王爵謚以文宣宋祥符間復

肥鄉縣志

卷之五

十三

加至聖之號以褒崇之洛之肥鄉縣廟學久廢至宋熙寧元年濮陽李公爲縣尹復修之後六十年值宣靖間歲飢民散盜賊蜂起其學宮悉爲灰燼迨我聖朝受命削平禍亂四方底寧迄今八十年矣戶口滋殖旣庶且富當偃武興文之時凡責承宣職撫字者皆宜以教化爲大務乃縣尹之至者不以此爲心但汲汲簿書獄訟督責賦稅而已俟其考滿受代而去殊不知學校者教化之本源也禮經有云古之教者家有塾黨有庠術有序國有學侖畀亦謂古之王若

立太學以教于國設庠序以化于邑漸民以仁摩民以義節民以禮故其刑罰輕而禁不犯教化行而習俗美鄭欲毀鄉校子產不從以其爲治務之本也且國有四民士居其首學以居位曰士士之入學所講誦者詩書禮樂也所修習者德行道藝也相語言者仁義也皆六經典籍所載治國治家治天下之道孔子之至言也講之久矣習之熟矣一旦國家選而用之使之蒞官行法施于有政則不待臨事閱習而後能用也用能以儒術飭吏事以文雅斷國論所在則化

肥鄉縣志

卷之五

十四

所居則治此非設學養士作成人材之明效耶方今明天子在上崇儒尚文爲治道之先太和元年以令頒告天下若無廟舍者剝却以上官爲勸建諸縣許士庶自願建立鎮陽張君諱利用字廷玉爲縣主簿以縣之宜聖廟及學舍廢之久矣乃舉令文以咨縣尹意以爲不及之務其議遂寢未幾適巨縣尹承省召解印去張君攝縣事乃復申前議于是縣之諸士人與民好事者相勸頷以家貲出助而以狀聞于君君以學之故基卑隘相縣之東南隅得亢爽之地且

以面文明之方也乃攻築之其良材堅甃工匠人力
凡百所須無不備者經營築構不日而成乃于正位
大成殿塑宣聖像及亞聖顏子孟子十哲像前東西
兩廡繪七十二賢像冕旒章服制各異數丹青炳然
粹容如在講經有堂肄業有齋貯書有庫修膳有厨
壯偉閎敞煥然一新然後考制度爲俎豆邊筐罇爵
簠簋春秋二八月上丁日行釋奠禮既成勸諸鄉先
生率子弟之秀異者入學修舉子業縣民來觀者無
不加肅敬之心焉相與語曰今之肥鄉彬彬然齊魯
禮義之鄉也皆主簿張君化之成俗而然也落成進
士王天衢等請記於予是爲記

廣平路肥鄉縣重修廟學碑 元朱繼雲

學校風化源也然興舉承宣非有司事乎哉四代庠
有上下序有東西學有左右東膠虞庠辟雍之稱曰
質曰文制雖不一要之明倫立極其義未始不一也
聖人有天下得有爲焉功隆治洽由此道爾不有天
下亦以此道開將來千萬世之學後代代相承君人
者不以師道自任而任于人膺是任以迪民其惟有

司乎承流宣化舍學校何以哉昔郡邑不活教化者莫蜀與閩若也文翁常衮守之隆學官振鄉校竟俾二地克陋反醇蜀閩尚爾况古肥邑近鄒魯素囿先王教化中乎至正乙酉肅寧令張皞調尹是邑下車慨然以學校爲治道先相吾夫子廟宇門廡各間有摧配侑象有闕且堂暨齋歷歲彌久爲風雨頽將半不支尹曰可仍舊貫與同僚爲修復謀監邑塔失不花主簿韓淳縣尉張元英典史齊榮祖叶其議適學官郝恒文其事以請仍出月有楮幣給其須尹遂倡

肥鄉縣志

卷之五

十六

割俸佐之宿儒耆士扣者相屬市材不以措法勒取傭工加直倍常役故趨事者晨夜展力工踰半尹以病歸監邑及簿代至越明年丙戌雍兀刺反李居敬典史劉守中踵其事落成焉殿堂門廡聖黜丹碧舉以法故不質不文配像有容師生有舍諸生相謀曰廟學旣完且美紀刻于珉其可已乎走狀請記予以老耄辭弗遂則語曰吾夫子雖不有天下行其道于當時千萬世後綱常炳炳其功與天地相爲無窮者焉我元列聖致崇聖典比往古爲有增故家而闕里

國而成均天下而郡邑人報之禮亦如是禮也
以儒術爲圖治大法慮士氣論教委靡毋鼓舞維新
之有司祇奉者又庸可緩乎哉宜借學宮叶議相繼
拳拳于是也廟學煥然新矣諸生進德修業亦有感
發有志于事功者乎蓋爲學非直尋章摘句必欲致
諸行而已然安于小成尤非孔門學者事孟子曰窮
則獨善其身達則兼善天下其是之謂歟有司興舉
之勤承宣之篤亦以此期于諸生也是有功于名教
不可泯于是乎書

肥鄉縣志

卷之五

十七

大學士竇公神道碑

元永年王 盤

至正十七年秋七月十有二日昭文館大學士王議
大夫竇公以疾薨于京師計聞上深悼惜賻恤其家
甚厚皇太子送楮幣二千緡以供葬事以是年十一
月庚戌日葬于廣平府肥鄉縣興教鄉之先茔皇太
子令旨命翰林學士王盤定謨碑文盤謹按行狀公
諱傑字漢卿世爲廣平府肥鄉縣人其先出漢大司
空融世代綿遠無譜牒可徵不能紀其世次遠近曾
祖亨值金正隆間料民爲兵曾祖以丁力富強被選

使公之友人以私意往見公使者微服躡其後公不
得已乃出拜命大名府官即日齎遣就道既至入見
上問以治道公首以三綱五常爲對遂大稱旨一日
三召或至夜分不寢公又言帝王之學貴正心誠意
心既正則朝廷遠近莫敢不一于正矣因問今之明
治道者爲誰公以姚樞對即日遣使召之後仕至中
書左丞壬子冬上命公往詣曲你河拜見太后賜之
貂帽貂裘靴襪稱是既至太后問汝爲何等人公以
孔夫子門弟子爲對乃命之坐賜之酒食顧遇之禮
肥鄉縣志

甚厚時皇太子未冠上命公教之上將往征大理以
玉帶鉤賜公且曰此金內府物也汝老人被服爲宜
太子見我所賜物如見我矣公留數年請南還上命
大名順德兩處各給第宅及土田婢僕冬夏衣服歲
以爲常康申歲上登寶位首召公至上都問曰朕欲
求一個如唐太宗時魏徵等輩人物可得否公對紀
顏諫諍剛毅不撓許衡即其人也若識深慮遠有宰
相才可大用者則萬戶史天澤即其人也 不數日拜
天澤爲左丞相授公太子太傅公固辭曰東宮未正

位號臣何敢先授師傅之名且臣才學空疎不稱重
望五辭乃得免改授翰林侍講學士王文統拜平章
政事上頗委注公奏曰陛下初登寶位天下之人引
領望治朝廷宜近端方忠厚之人以立萬世基本王
文統乃机謀權詭之士不可大用一日同在上前又
面詆之曰此人學術不正他日必爲天下大禍是歲
冬公以疾歸家明年文統敗上追憶公言嘗謂人曰
曩言王文統不可用者惟竇漢卿一人嚮使更有一
二言則朕寧不思之常謂侍臣曰朕訪求賢士幾三

肥鄉縣志

卷之五

二十

十年惟得竇漢卿李狀元二人又曰如竇漢卿之心
姚公茂之才合而爲一始爲完人遂遣使召公還京
師益被信遇賜之第宅月給俸廩國有大政輒以咨
訪公又奏言三代之有天下所以風俗純厚曆數常
久者皆自設學養士所致方今宜建學立師博選貴
族子弟教養之以立風化之本乃于是拜許衡爲國
子祭酒至元十一年遷嘉議大夫職如故公年老不
視事家居養疾上數遣使候門以珍玩枕杖名果異
味賜之東宮禮意又有加焉十七年又遷昭文館大

學士正議大夫竟不起享年八十有五公前娶兩王氏皆早卒再娶夫人賈氏出曹南大家慈惠賢淑治家有法次室王氏榮氏子男一人曰履今爲奉訓大夫中書吏部郎中挺特有父風女三人長適中順大夫淮西道宣慰副使劉執中次適金紫光祿大夫太保叅領中書省事劉秉忠其季適承直郎大名路總管府判官劉珪銘曰紀元中統運屬昌辰九重淵默則席幽人惟時實公樂道安閑潛身丘壑混跡塵囿徵車召至入見金鑿立談稱旨喜見天顏置之左右

肥鄉縣志

卷之五

二十一

日接話言宮師嚴重館學尊崇公心淡然無辱無榮巖廟丘壑一政齊同政事臧否人才進退清問所及正言不諱權臣奸計直挫其鋒嬖倖邪謀預折其萌如秤稱物輕重不差如鏡照形妍媸不昧我無偏私人無怨懟公之云亡聖意哀矜念公平生言無隱情指陳是非炳如日星惻愍無華信而有徵勒銘豐碑百代流聲

重修儒學碑

明郭 邪

人君所以綱維天下而淑善人心者政與教爾政之

得民易不如教之入人深也學校之設拔秀民儲而教之以爲宅俊之需內自臺閣部寺外自藩臬郡縣以及百執事之用無不于學焉是賴教豈可後耶我國家自太祖高皇帝首重學校以惇治本列聖相承先後一致天子繼統尤加意焉守令之賢否率于學政之修廢驗之肥鄉縣儒學在縣治切東稍南蓋宋元舊址也地脉鹹鹵土木易敝修廢無所于考弘治丁巳廬江錢君以名進士令茲邑病其隘陋銳意修建禮殿講堂巋然先成工且有緒矣忽陞任去正德

肥鄉縣志

卷之五

二十三

中漳水突入城中瀰漫漫灌惟殿堂僅存一切廨舍皆狼狽不支諸生至假神宇僧居以肄講爲學之志落知也因陋就簡上下餘三十年迺喜靖乙未陝右趙君廷瑞以積學碩才來知縣事請于郡太守前侍御廣安王公偕僚佐馬君希龍趙君潤領幕助君棠隳括需費周爰咨詢開神路于煙星之南三十丈復侵地于學門之西十四丈謂堂後卑下非向背所宜極力崇之以壯形勝禮殿講堂以次修飭東西齋廡掄材鼎新創建諸生號舍兩聯二十八區教諭解舍

一所九區觀德堂暨啓聖名宦鄉賢諸祠以至神庫
厨庖無不脩具落成士夫聚觀以爲自昔未有諸生
皆喜得依歸各思奮勵咸謂提調之功不可泯推學
諭龔君瑾介廩士韓大用高科請余請記石余惟國
家建學育才才成而效用今之職教者即昔之蒙教
者也水木本原其職分所當自盡者豈假外來哉世
之泯泯無聞固未暇論其力足有爲者亦隨其心之
所向以趨一時之譽而于風教所當重者漫不加意
獨何心歟敢併及之以爲後之繼今者勸

肥鄉縣志

卷之五

二十三

新建碧霞元君行祠碑

梁桐

碧霞元君女神也不見經籍廟在泰山之巔曰靈應
宮香火徧天下山東守臣歲委府官一員州縣官三
二員領之得金帛錢貨頭畜以數萬計爲國家公費
崇奉之者往往爲立行祠以故元君行祠亦徧天下
我肥鄉西南三十里曰西韓爲巨鎮迺亦輒連之貨
地三畝鍾水之坎也深丈餘附近居民爭負土填塞
之爲高址繞以垣南向作正殿三楹前作大廈外作
門楹數侷正殿神以類附者左右稍却亦南向作二

殿合六楹翼之以兩廊各三楹鍾樓一鼓樓一焚楮樓二各一楹鑿井阼階下以便供洗背北向楚剎一廟貌肅如也可以妥神可以陳祀可以崇敬偉麗弘潤甲多方矣肇造于嘉靖己亥夏四月歷十七稔乙卯冬十月落成費金以千數計皆人所樂供之倡之者馬虎等五人繼之者程鳳等四人守者張隆一人事竣請記余論次其事余曰嗇于財者頑于義歟于事者餒于氣久矣哉民之難與有爲也晦翁論十五肥鄉縣志

國之風鄭僧魏陳諸土之俗多其所鄙誚而深羨于雍謂周用之以王秦用之以霸以土厚水深民無浮靡之習故耳今外藩固有食地之毛租稅力役憚于供上奔竄隱伏貼官長累者况特以元君之故無所督責不惜費恤力以集此事者哉此我趙人忼慨豪俠之風不變也若鼓之以義作之以氣烏其所難爲乎仰稽我成祖靖難之後即定都北平裁燕趙以爲畿輔豈獨擇地形之勝當必深取其民而用之也余因此而重有感矣

重修李文靖公祠堂碑

金穀徐

瓊

宋門下侍郎尚書右僕射贈太尉中書令謚文靖李公諱沆字太初今廣平府肥鄉縣人以宋景德元年七月薨于位距縣西數十步葬之計今四百餘年墓久坍塌弗治莫知所在舒城秦公民悅來守是拜咨嗟周詢乃得之協謀于諸同寅相與往拜今知縣王君璣封其墓繚以周垣措置建祠祀之經始于成化十二年六月初六日告成于是年十月十六日走書于瓊俾爲記以刻石且屬南京兵部右侍郎邦人馬

肥鄉縣志

卷之五

二十五

公顯速之公少好學器度弘遠父炳嘗語人曰此兒異日必至公輔太平興國五年舉進士甲科事太宗于雍熙淳化之間由將作監丞十一遷至禮部侍郎兼太子賓客太宗悅之深而重之至邊將詔書之稱旨貢舉謗議之不歸真貴人之褒形于目送之時禮師傳之詔降于儲升之日繼相真宗于咸平景德之際由戶部侍郎參知政事三遷至門下侍郎尚書右僕射真宗尤信之深而任之隆嬖倖劉氏欲冊爲貴妃對使焚詔不從駙馬保吉欲求爲使相執議無功

而不可凡計國事公事則公言謂密啓之讒佞豈可
效尤郊迎慰勞論治道之所先謂新進浮薄在所不
用識丁謂之奸邪不可使在人上寇準固違薦之卒
爲排斥而後悔當契丹和親邊患旣息尤日取四方
盜賊水旱奏之使知其艱難不然人主血氣方剛不
留意聲色則犬馬土木甲兵之事作矣後真宗果有
封岱祠汾等爲王且嘆其先識之遠真可謂之聖人
又謂居其重位實無所補中外所陳利害一切報罷
之此少以報國爾朝廷防制纖悉備具或徇所陳請

肥鄉縣志

卷之五

二十一

施行一事即所傷多矣司馬公論此爲得大臣之禮
公暇嘗讀論語要之所以爲相皆用其言且謂節用
愛人之說尚未之能行公治第封丘門內廳前僅容
旋馬而巢林一枝之自足于用未嘗不節也謂靈州
非朝廷所有莫若使民之壘而歸則闕右之民息
肩于人未嘗不愛也使如天假之以年如所謂聖人
之言終身誦之誦而行之于上下則真宗不止爲真
宗當時以爲聖可矣何至徇欽若而有河圖洛書之
問哉縱有之必于公而不于鎬也公測其肯必有息

先幾又何有尊珠假酒之賜天書偽降之祥哉及仁宗嗣位詔公配享真宗之廟庭蓋有以知公矣嗚呼公之相業著于國史天下後世之所共稱矣獨鄉之祠墓久未修復是誰之過歟昔畢公保釐東郊以旌淑勸民爲首政今秦公守茲知是責之所在而修前政之所未修是亦旌淑之政也表一人于既往以勸一邦之人于方來此于畢公之政亦可以與之于是乎書

重建李文靖公祠堂碑

東安李侃

肥鄉縣志

卷之五

二十七

公諱沆家世廣平之肥鄉史稱爲人性直諒內行修謹相宋真宗于咸平景德間去今幾五百年墓在肥鄉縣西城內堂傾碑仆紀事不舉者久之今聖天子成化十七年廣平守秦君民悅二守高君祐肥鄉尹王璣丞武肅等相與積材庀工爲堂而祠之既成命介來告予曰公宋賢相也願有以記之余嘗慕公有知人之明識見之遠而恒以天嗇宋祚不使其久居相位爲憾當真宗時賢相莫如寇準王旦澶淵之至危王欽若之蠹政非準及旦則爲宣和靖康之亂矣

然至抑小人格帝心二公智所不能及者而公嘗先
知之如目親見之者準以丁謂薦公不用準譏之公
曰他日後悔當思吾言及爲相果陰害準貶死雷州
公在相府日奏四方水旱盜賊且以爲細事不足言
公言人主少年當使知四方艱難不然則留意于土
木禱祀之事矣後果驗且始曰李文靖真聖人也宋
自建隆以及景德皆憂勤于治未嘗有侈惑而相
亦方正忠義未嘗如謂之陰險者使當時二公信公
之說則險邪之謂無自而用天書之惑無自入矣何
肥鄉縣志

卷之五

二十八

以長小人之風而啓欺罔之心哉惟其不然故十數
年餘效尤者出如王安石呂惠卿蔡確章惇秦檜韓
侂胄蔡京賈似道之徒遂得夤緣以進而京之父子
與夫方士王子昔王老至林靈素張虛白之流亦得
以此借口專權擅政竄逐忠賢大崇土木興兵兆釁
卒致財竭民困賊勢猖獗二帝蒙塵遺恨千古吾知
二公于冥冥中思公之言應嘆悔之無已也嗚呼公
豈不賢于二公也耶二公勲業千載而下猶能使人
愛慕况公可無祠乎公之績如焚封妃之詔奪西夏

之謀炳炳赫赫不可掩者殆不止此特因于所慕者述之且予聞今之有司不肖固不足議而其賢者于簿書期會之外亦寥乎其無聞也三四君子乃獨能超然有慕于公而尊事之其志之所存爲何如也

重修李文靖公墓碑

郭 鄂

天地生人有一代之興必有一代之賢人君子出乎其間上以輔君德安社稷下以敷政教緩蒸黎以共成一代之治然世異代殊時移事易墳墓失守祠祀弗繼與齊民無異者何限非借賢有司崇重表章之

肥鄉縣志

卷之五

二十九

世道何所于賴吾肥宋門下侍郎尚書右僕射贈太尉中書令謚文靖李公薨于景德元年舊墓在邑城西三十步許距今幾五百年經元金兵燹之餘碑碣儀物蕩然無有樵牧踐穢行道傷嗟正統己巳之變大理鄉王偉奉命撫巡駐境上廣城池爲防禦計忽夜夢一士夫以居宅被侵來訴物色之城墓所指適當公墓道遂展于城內然亦未遑封植修復歷景泰天順至成化丙申得賢太守舒城秦公民悅興滯補敝始建祠致祭禮請金谿徐內翰瓊東安李都憲侃

二先生聯監二碑于祠前以表章之未幾漳滏三水
泛濫祠傾碑仆終弘治正德祀事不舉者又餘三十
年迺嘉靖庚寅侍御樂安蔣公錫按肥鄉知其事謀
諸郡太守太原高公汝行聿弘周垣高其堂宇復其
祀典仍大揭坊扁于墓道以崇重之五年于茲矣修
復歲月迄未紀述今大尹陝右趙君廷瑞好古崇文
恐成缺典擇工選石懇余紀其實以昭示後來嗚呼
公以一代名宰相遭時不淑祠墓幾廢賴諸公善政
不至淪沒誠有不可不特書者若其精白一心歷事

肥鄉縣志

卷之五

三十

二帝正大之氣先見之明遠讒佞抑浮薄進君子退
小人以共成一代光明之治厥功不在玉冠二公下
者載在史冊且脩悉于二先生之名記茲不敢復言
之

虞城范郡丞攝篆德政碑

張懋勤

范公諱志懋號太乙河南虞城舉人其攝篆肥鄉以
戊寅八月二十一日至迄十月初二去終始才四十
二日古人立三不朽公舉三大綱愛民禮士肅吏而
已公孝弟鍾于胎教勤儉出于性成學宗孔孟道衍

周程清絕剛直則又包孝肅再生也其家修詳八行
圖出教魯山載諭士紀文昌化碑令劄陽作訟卦易
注鄉射養蒙諸篇持廉矢節百折不回涖廣武郡丞
憂切抗疏起然傑特有鸞鳳之目適肥篆缺父老走
乞下臨不旬日百度維新廢墜悉舉所存者人不存
之心所道者人不出之語所發者人不行之政矻矻
然居已煩苦以思利濟人其愛民也則恪申鄉約善
拔惡滯聽訟無留牘催科不役民允課乃集更老與
共有羨金悉編入公支矜孤獨撲背逆多方提命意

肥鄉縣志

卷之五

三十一

在官省一役民得省一錢卽家督之克儉不啻過之
其禮士也則延如大賓下詢折節立蒙社尊師席講
學復古恭嚴拜坐問難分經指孝悌以實時習誘人
持循鄉飲酒禮克誠主爵所辟賓者皆朴魯天民革
賄鬻建啓聖立禮門新收入泮諸英卻諸生公譙公
脩酒箴奉卮張蓋以示激勸其肅吏也則申憲剔弊
小盜必懲微寃必宥一切舞文翫法遁若敗葉捲秋
風平市價覈供費勘郵符嚴宵警嘗下鄉勸農諭爭
畔賑妾之歸則徒步屏騶從城社不做言笑佐貳禮

以寅恭詳明律誥誓絕苞苴詩有云仰之如日月愛之如父母沐之如雨露震之如雷霆若范公者可謂兼之矣方思再造聖廟纂修邑乘俄傳簡軍鎮州報至公即日清案牘散金錢大賚及物並不令人知其去北來臥轍攀轅公已一宿郡署策馬北征矣異哉范公人染指阿堵公委若土苴人迂濶禮義公指作性命人倚托勢貴公視爲冰炭人藐棄貧賤公恤似骨肉心無曲折政必合經核而目之即程純公政譜富文忠郡譜曷莫非范文正公相譜哉合古不必合肥鄉縣志

卷之五

三十二

今合心不必合時合政不必合人公之三大綱即古之三不朽因撮其大畧勒諸石以永奕世俾後之覽者有所矜式云

重修肥鄉城碑記

錦川王建中

肥鄉古衡漳列人蒲地戰國時爲趙境縣治居邑之中四方至者道里均焉其沿建創置載在誌書可考也康熙乙巳秋漳河泛溢崩壞城郭官舍民廬悉沒於巨浸因就邑東偏舊店營僦民舍以爲治所編迫隘愜制度荒陋倉庫監獄諸無防衛凡西北南三鄉

士民考課輸賦因公赴縣者迂阻回遠往返或窮晝夜力人大不便迨後漳水南徙大名界數十年來環肥鮮水患舊城地脉墳起而高衆咸思復其所令

天子嗣基御宇綱舉目張百度修整 農壇忠節諸祠前

官遵建舊城康熙五十六七年間前令王君能任倡邑之紳士人民重作內外二堂併後樓東西廂二座城之根趾亦俱覆板築數層頷其工力浩大未及繼而罷庚戌秋余承乏斯邑始至巡行井里見茲舊治適中宜民而地氣急鬱騰秀有煥發之象因與紳俊肥鄉縣志

卷之五

廿三

耆老重謀修復余首倡捐養廉百金而邑之人士踴躍爭赴投資給役不戒而集計得錢二十萬諸生宋錦李爾琮耆民李發彩等司籍量工勾稽出入經始於辛亥之三月十有三日初建城之四門門各冠以樓繼建縣署六十餘楹及土地馬神祠廟並馬棚十一間捕舍十餘楹若庫若獄悉完且國庫爲樓崇二十尺樓外繚以周垣獄之中爲區者三曰內曰外又一以待婦囚又外則獄之複道圍墻也堂之左右吏曹房各十三間二門兩翼糧房各三間大門內有棧

皂壯捕等房共二十餘間俱係諸書役各以其班自
繕而士民無與焉他如巡按行臺兩學宅舍弁兵營
房亦以次興舉十月農隙小春爰議浚隍爲城城高
十有八尺厚濶八尺計周圍五里一百一十八步按
社分工民樂趨事閱兩旬而告竣惟學校雖那移三
楹尚有 先師殿兩廡戟門櫺星門明倫堂併 關
帝廟橋梁等項雖工未停資財有待幸蒙 憲臺允
詳將隙地餘基分給願捐士民陞科辦公學校等項
工程不日而成矣去歲辛亥十有一月之望日紳士

肥鄉縣志

卷之五

三十四

固請遷居之吉也徙之日老幼聚觀充衢捩路奉觴
携榼以迎者列十餘里許邑人士環向而言曰茲治
之圯而東徙也幾歷年所矣前之官斯土者俱視爲
傳舍誰肯肩荷此任而惟我公性誠而毅惟誠故明
惟明故決始能勞來匡直未期月而使七十載舊邦
重新成此丕績是大有造於吾肥者也誠不可以無
記余惟春秋重用民力凡城築興作必書於策今茲
之舉工用不資而役不告勞成不踰時余蹇劣何能
致此良由我

朝聖聖相傳深仁厚澤涵濡普被肥爲畿南近地沐浴
孚化尤深故其民氣和樂風俗醇美知急公務而趨
上令如此孔子稱王者必世後仁又曰悅以先民民
忘其勞擇可勞而勞之又誰怨予於肥民見之矣是
可書也教諭賈廷梅訓導趙時傑典史鮑守德皆有
捐俸相工之助而專視其役者則生監宋錦李爾琮
耆民李發彩等例得並書於左

邑侯王公重修肥鄉城碑記

宋 錦

公諱建中字懋菴三韓錦川人舉癸卯科進士初任
肥鄉縣志

卷之五

三十五

廣東歸善縣知縣以外難歸雍正八年庚戌公服闋
赴京

陞見

聖天子明目達聰無微不燭見公之風度神奇知非百里
才也

特命守畿南內地以待遷擢而我邑之泰運來矣我邑古
洺州地後相沿爲望縣邑乘載之詳矣康熙乙巳漳
水暴漲陷塌城池舉城中之官舍民房學宮隍廟盡
屬泥封不可復識而縣治遂東嗚呼噫嘻我邑六十

八年之厄匪人謀不淑亦天之運數使然與康熙己亥前令王公能任謀之紳耆請諸上憲慨然捐俸修復鳩工伊始適奉使解運西陲邑人貢生程學禮附監宋應魁生員李之綱張承祖高碧柱李壻監修前後兩堂八楹內署樓房十一間美哉始基之矣未免底成厥績尚若有待於我公也公甫下車以查倉詣茲土觀形勢相規模躍然興起曰此雄域也舊店營之湫隘不及此萬一所見與前令同而剛果信敏過之閱明年辛亥二月上丁集衆建議公撰緣疏首

肥鄉縣志

卷之

三十六

輸養廉百金以爲衆倡生員李之綱等二十餘人莫不踴躍用命爲之募資財聚木石瓦甃諸物料以贊公之大舉廼立四門四門有伉廼築垣墉垣墉仡仡廼修衙署而整學宮而衙署學宮莫不亭亭而翼翼他若行臺營舍創未有之新模高柳長堤復古初之佳致經始於暮春之月而告成於乙陽之初猗歟盛哉何其神也非公之剛果不撓於物議大信足以勞民勤敏足以任事烏能不疾而速無所窒礙若斯哉由是子來之衆追公之遷居即在十一月之望日是

日鄉民焚頂紳士執壺漿具餽饌遮道相迎者十餘里公亦畧去形迹與斯民相慰勞自辰及申公之簿書始得歸新署是公之大有造於吾邑也一時之德公愛公者無尊卑貴賤羅拜階墀咸頌我公之賜不休而公猶謙抑不居唯曰盡我當爲之事稽古召伯營謝仲山南筭齊孰非盡我當爲之事而篇什咏之史書傳之誌不忘也今以公之利在生民功及社稷邑之人士群謀勒石以垂不朽因述公所行之實政而鐫刻之俟夫異時之讀是碑者即以我肥之縣治

肥鄉縣志

卷之

三十七

爲公之縣治爲公之召棠亦可

墓誌

永年縣丞郭謙墓誌

明吳郡王 鏊

公長孫吳江尹郭自任奔喪走使京師乞銘郭故家河南鹿邑公祖諱仁美洪武初以歸附民至肥鄉父諱晟龍江衛經歷以清謹聞配周氏實生公公諱謙字致恭少入郡庠爲弟子員以科目致用時妖人唐賽兒捕久不獲會其黨千餘人自新德至肥鄉伏旁舍將亂人患之弗敢言公入白其狀于府守懼弗出同知獨竒公卽委公捕之公曰是當以計取不然且肥鄉縣志

卷之五

三

逸會暮夜先以衣物散民家垣外佯言有中盜入跡至賊所賊不悟其爲已也遂盡獲府因以公部諸賊赴闕正統初公年二十二英宗御批授本縣主簿賜衣二襲寶鏹二千貫馳驛之任公居官多方畧旁縣有事久不決多被激往無不立辯盜賊朝發暮獲人號爲神明境中帖然九年赴吏部于例當進二級公以親老乞近地未任以憂去己巳之變大理卿王偉以巡撫駐境土聞公名召與語大悅薦公于朝奪情授永年縣丞時邊報日至公聞命墨衰以往不避艱

險防禦撫綏民用安堵時有以修城繕兵爲言者公曰止今民且奔甯又驅之後是逐之也其誰與守且賊必不至已而果然景泰六年致仕以子忠貴封奉直大夫戶部江西司員外郎

處州知府郭忠墓誌銘

長汝李東陽

予聞淞藩張布政稱良有司得知處州府郭君廷臣處人相與建生祠奉之未幾君卒其子鄉貢進士郭方以母憂居肥鄉馳省君至杭獨計奔至處返君喪道鎮江奉揚按察應憲狀上京師請予銘蓋其母之

肥鄉縣志

卷之五

三十九

葬予實銘之矣初君舉成化己丑進士官戶部爲主事督收京儲會計精當尋督天津諸衛及汧石諸塲芻賦宿弊盡空屬吏以金餽卻弗納遷員外郎督儲臨清見伐桑棗貨食者畀之米且諭之曰植物不易貨且盡當復何貨民感悟遂不復伐會議開邊欲君督餉辭不獲比出境不遇賊不還進郎中除處州守久闕倖二更署吏緣爲姦君至嚴防禁籍記條教事無留案尤精判決人不敢欺嘗有群盜久弗獲君憂而禱之是夜夢衛廩穀溢因燕得米廣者爲盜竊備

獲贓證衆以爲神愛民節用禁胥吏勿下鄉并還通
民萬餘口復舊業歲旱禱雨雨輒應有蟲傷禾稼爲
六祭之三日而死有瑞竹瑞蓮嘉禾諸物或以頌君
君辭焉獨嚴馭下貪官黠吏皆歛不敢肆惠歸于民
民是以思之處人輯所立條教曰爲政紀綱曰括蒼
規約以傳其所自述有詩文若干卷銘曰世有毀譽
或非厥情面背則殊矧惟死生浙有郡侯郭姓忠名
蒞郡六年而棄其氓氓思我侯侯我父兄的孰我佚
擾孰我寧泣以送之有淚吞聲侯也河知我情是嬰
肥鄉縣志

卷之五

四十一

侯生有祠匪悅與管曷以驗之于侯之行有考績者
視我茲銘

貴州道御史蔣勛墓誌銘 廣陽車 壘

公諱勛字世功別號葵軒祖祥任南京虎賁衛經歷
父鳳嘗爲臨淄令母顏氏生三子公其季也幼秀朗
動止如老成人誦書若宿習居家克篤孝友與人交
敦尚信義隨侍父于臨淄時彭澤先生者爲司訓以
春秋鳴公師事之輒得其大旨領成化丁酉鄉薦辛
丑登王華榜進士授河南濟源縣知縣民俗犷悍

庚子舉于順天後又游遂菴楊公之門同游多名士而太原喬公字北地李君夢陽爲冠人推吾爲喬李之流亞而楊公亦謂門人曰郭生固奇士會知府公與太宜人相繼卽世公以祿不逮養無進取意所親或規之曰以子之才終不爲世用乎公瞿然起謝弘治九年與夏公同舉進士是年除知吳江縣踰年丁大父憂十四年服闋改除英山十五年以才可治繁調清河居兩月被召除南京河南道監察御史初得吳江大父尚在跽請教曰爲政有體獨不聞牧愛爲

肥鄉縣志

卷之五

五十一

縣令體乎公性素嚴明用是政主平易而以嚴濟之作與教化獎予人物屢庾橋道無弗飭者沈生漢有異才年少名未起公見其文奇之爲之授室而厚其資給漢後果登第爲名給諫有費全者武斷鄉曲且持官府短長公召而諭以禍福薄責釋之後不改寘于法英山負險難治乃用其所嘗效者蒞之民以協服又奏旌孝子段弘仁以勵俗在南臺力任激揚不畏強禦巡督江北倉儲搜剔吏蠹疏滌民瘼諸路賴之獨其嫉惡大明雖以此得名亦竟以此擬禍御史

爭公至通經賦庶賦胥擊豪右以儆果集事甲辰歲
歉撫養瘡痍寬減逋負民賴全活縣境臨山西間有
逃鼠山谷黨助蔓寇者公多方掩捕境用以寧擢貴
州道御史敢言不依阿洪忍奸回憚焉弘治改元往
給賞紫荆等關軍士已酉查遼東糧儲庫戊巡視居
庸等關躬歷險阻不憚勞動完城堡肅部伍權貴私
役軍士者聞之潛遣還辛亥出按山西壬子丁父憂
申寅服闋改山東道陞河南按察司僉事分巡河北
河南道往蒞洛西至陝州疾作輿歸寮友相率入問

肥鄉縣志

卷之五

四十一

公泣曰君恩未報毋年垂老今不可起矣柰何諸公
相與揮淚而訣銘曰英英乎其志之銳也井井乎其
邑之計也戔戔乎其身之觸也肅肅乎其刑之錄也
懇懇乎其勞之勤也嗟嗟乎其蘊之闕也

河南道御史郭郭墓誌銘 淮海蔡 昂

公諱郭字于蕃姓郭氏廣平肥鄉人公生而聰明穎
悟書一過目輒能誦至于再三則終身不忘十歲從
知府公于京師時州守贈少保象峯夏公雖未第已
有盛名知府公延以教公一見喜曰此奇童也成化

某按南畿登覽廢政公和其詩有箴切語某銜之滿
歸言于權要遂劾公致仕時正德三年也公雖被抑
耿耿自信閑居三十年不柱尺寸視昔從游諸老蓋
無愧云銘曰物稟靈異各擅其能鸞以德著鸛以威
名惟德惟威兼脩爲美我求其人以立政軌憲憲郭
公傑出之才鸞停于邑鸛擊于臺在物爲祥于人爲
異迄不我容乃與禍會能螫其身不挫其氣考公始
終庶幾無愧我之銘公蓋激于義祥歟異歟以俟來
世

肥鄉縣志

卷之五

三

清澗知縣趙臣墓誌銘

滁陽盧英

君諱臣字邦直姓趙氏樂菴其別號也先爲山西襄
垣人國初移籍肥鄉縣大父鳳天順間儀真主簿父
詠正德初河南鎮平儒學訓導君幼有穎悟資補邑
庠弟子員爲文務明暢每得主司稱賞廩食者幾十
年正德癸酉登順天府鄉試榜明年會試禮闈下第
入太學卒業嘉靖癸未秋八月赴銓司授山西介休
縣知縣介休素稱難治君有蘆公聲期年而政修民
服乙酉入覲授陝西清澗縣君素嬰疾視事僅兩閱

月遂以疾歸君爲人和易而操不可奪與人交坦率而情真往往鄉閭士夫稱其美兩作縣而歸囊橐蕭然尤人所難予聞諸鄉評常接其風采深嘆宦游而歸如君者真好消息豈易得哉歸時當鄉飲期生徒相與請而置之賓席鄉人榮之無何疾篤卒銘曰仕以學殖駕言治生或有墮志假途爵纓曾知君志卓犖而勃兩爲縣令並有清名解組歸來蕭蕭騎鳴考素履蹈允如鄉評胡爲不樂胡爲不榮學以仕敗視此誌銘

肥鄉縣志

卷之五

四

鄉貢進士杜璧墓誌銘

滁陽盧英

君諱璧字天瑞世爲肥鄉人曾祖敞神武衛經歷父春鎮平知縣二子長曰奎靜樂縣訓導次即君也君資性穎異學問精博少年廩食邑庠人皆以經解期之正德己卯中京闈鄉試榜以數竒春官不售既而入太學嬰病卒聞者莫不以未究其用爲恨君爲文操紙筆立就不事雕琢而理致雋永好作詩取材漢魏律準李杜陶劉而不事蹈襲自成一家閉門歌詠音韻冲雅如金石聲事親孝與兄奎共業儒食菘藿談

道宛然蘇門對床風致也銘曰學務實匪以名時所
趨名之成君收桂籍夙協乎鄉之評負材而學弗究
名立而用未形爲我心惻滌而弗食虛王明吁嗟乎
生睥睨一世如君之沒也寧

贈太保潞安同知張應麒墓誌銘

吳郡申時行

司馬肥鄉張公既受命則疆吏屢告急朝議洶洶余
數從司馬受壽筴靡不稱上意而邊師報捷滇師逐
緬寇縛其渠魁生致闕下上登樓受俘叙功首司馬

肥鄉縣志

卷之五

四十一

五

加太子太保予誥得贈其父西瀾公知其官母宋繼
母陶皆一品夫人會陶太夫人病革司馬七疏乞覲
省上憐而許之歸未抵家而太夫人之訃至司馬以
聞有詔賜祭父若母偕所司爲治墓合葬于是司馬
以書來曰孤先子常仕至貳守其才志未及竟而以
厲孤孤之所爲公家黽勉分守者咸出先子子幸知
孤其爲先子及兩夫人銘而納諸隧孤死且不朽念
不敢重違其意乃許之西瀾諱應麒字時熙西瀾別
號也先世故合肥人永樂初徙江南大姓實邢潞子

是公高祖德山始家肥鄉一再傳而曰嘉曰溥父子
爲邑諸生溥生巡檢韶韶生訓導悅悅娶于郝公之
女也公生有異質束髮爛文辭應明經選第一廩學
宮貢入太學凡六試弗售乃嘆曰咄嗟夫士乃窮年
矻矻而需一第何爲者謁選吏部試高等通判潞安
府兩考報最即遷同知先是山西撫臣集民兵冀南
請置潞安判專理至爵者庶知公才遂屬公郡倅領
兵事自公始公至則汰其弱不勝戈者鈐束其強且
好鬪者編隊伍飭器械明賞罰都御史曾公鉞下其

肥鄉縣志

卷之五

四十六

事諸郡以爲式行縣高平令某遣人壽公金公庭斥
之令驛嚙避去閱兵偏頭關一切繩情卒不少借將
領林公謂衆且亂公不爲動兵亦竟莫敢譁已而撫
臣議令公兼總理管田復豪右所侵地萬餘頃教民
耕稼芻牧歲省內帑十餘萬潞多宗室驕亢難制公
攝篆獨帖帖畏公甚于守督餉平刑關會賊突入即
移公保繁峙公誓衆堅守張疑兵賊遂巡不敢犯諸
使者皆相詫謂公才代州糴粟于商吏多乾沒粟不
辨監司檄公往諸商戒曰是不行苞苴者即相率輸

如期州藏有千金翳塵土中守吏私公曰此藏籍不
載人無知者公叱曰爾勿溷我立籍其數讖使者又
皆相詫謂公庶嘗再攝郡按察司以私嘆公置下考
大計落職諸使者又皆相詫謂公才且庶柰何以睚
眦罷公獨無幾微見顏色飄然歸歸浹旬而司馬成
進士知曲沃有卓異聲徵入諫議會柄臣排斥異已
者公貽書曰寧得罪而歸毋惕勢而辱司馬竟蹇諤
取忌補河南僉憲河南豪少年坐法各懷千金賂公
求釋公拒不內除慶改元司馬以按察副使奉詔馳
肥鄉縣志

卷之五

四十二

封公尋病且革猶貽書司馬勉以立身成名語不他
及既卒之三月郡邑采輿論請崇祠學宮越四年而
司馬任都察院右副都御史以詔恩贈公如其官萬
曆四年司馬以兩考贈公兵部左侍郎又五年贈資
政大夫正治上卿戶部尚書又三年贈資德大夫太
子以保兵部尚書又一年遂有今贈云余讀華亭以
師所爲公志以公詘于位不獲究其用深痛惜之乃
司馬競競守庭訓奉公砥節爲天子裕國安邊勩助
社稷五錫命而贈公八座余蓋知公不用之用大矣

語曰厚積食報信哉銘曰蒙泉之流溢而成川累構
爲臺其崇造天犖犖張公劬勞率職才足濟時位不
滿德乃濬其源乃培其基是生司馬式穀似之經國
壽邊邛邛翼翼帝曰休哉予嘉乃績何怡何恃有開
必先何以恤之窀穸豆籩遇齋于前榮施于後不用
之用食報孔厚崔嵬新阡將作是管刻詩于幽以垂
厥聲

博興知縣梁桐墓表

郭崇嗣

此博興令梁公之墓也梁公少負才名赫然流燕趙

肥鄉縣志

卷之五

四十八

間乃弗克大用而埋光以沒士林惜之嗚呼此余所
以特表其墓也公諱桐字子琴號竹坪生有異質年
甫十一從師授業日記數千言余大父御史公奇之
及總角補邑庠生試輒優等郭北五里許有田舍公
夙夜讀書于中邑士多從之遊者嘉靖丙午中順天
鄉試主試者山東李滄溟也公爲人天性孝友重義
輕利承順二母不少違有姊適李宸而貧公收養于
家事以兄禮歲荒有夫婦就食河南鬻子于人而泣
不忍離者公哀而贖還之公幼善爲文章尤工古作

平居博綜群書肆力探討而于佛經奧義衆所難解者獨能妙解宗旨同遊者皆自以爲不及也以數奇五試春官竟不第壬戌謁銓授博興縣令下車初有跡刁民數十人于公請繩之法公受而焚之曰俟犯吾法當有處耳卒皆改行從善無懼法博地廣民稀多不耕之土公立法委官分丈徵熟停荒不數月逃民畢集而賦稅如限邑民趙秉科通竇尚智之女殺其本夫事出晦夜前官以女之夫兄成獄已久公閱其招疑之因密薦賈某者知其情設法問之賈不能

肥鄉縣志

卷之五

四十九

隱竟坐秉科高苑縣地瘠民悍每編審等則惟沿舊册民率不服公被委令一縣民盡詣公所明定差役民遂翕然蒙陰縣賦重民逃乞公往平三日而事竣云甲子當入覲民請立石紀政公却之曰增吾愧耳公才力精銳廉明果斷蒞官八百日而無理隣邑事過半治績卓然爲列邑首兩臺先後薦剡者數次戶部以前令逋賦誑及例當改官百姓數千人赴臺保留然業不可挽矣公命駕士民泣涕擁送百里外既歸絕意仕進閉戶讀書不語外事邑宰勾溪李公重

公高致徵為制飲大賓一應不復再出卒年五十有八所著有潛軒集藏于家余憶督學良齋王公當丙午校士取公與心齋張公及余曰此三生他日大器也今心齋公開府遼陽進官司馬勲流竹帛余以庸劣亦濫湖叅公獨抱竒位不滿德而逝豈非數哉

陝西副使郭崇嗣墓誌銘

張學顏

君諱崇嗣字承芳草塘其別號也其先河南鹿邑人御史郭子東邑廩生君父也東無子而即之子繼先有二子長崇登次即君侍御公乃以君繼東後君生

肥鄉縣志

卷之五

五十一

而穎敏有異質侍御公鍾愛之比就外傳不假督責能肆力于學每試輒高等聲名籍甚然入棘園則輒北遊國學四方士與君遊者皆重君舉辛酉鄉試明年第進士除大理評事復晉寺副寺正遂繇考績恩得封其父母如制復疏請旌王恭人貞節又請移封其本父母隆慶丁卯陞河南按察司僉事分巡汝墳發奸剔蠹執法無私乃尋以生母唐恭人喪請告歸再起河南驛傳道署提學事所校士人人敬服治行為兩河最癸酉陞湖廣叅議分守衡永悉心措注務

舉其職衡永人至今誦之擢陝西按察司副使整飭
固原兵備固原當戎馬之交寇數爲邊患公申法令
訓甲士峻埤塹屹然爲西陲長城值王恭人喪扶柩
東歸服闋須次闕下當路者咸噐重君思欲大用而
君以疽發背卒公尤長于古文辭詩法漢魏所著有
燕石稿祥刑錄草塘文集等書行于世至于陳請二
疏特奉允旨讀者無不下淚嗚呼君儻得竟其志所
豎立尤有卓異者乃位浮于才壽弗當德惜哉然跡
其表見于大理中州秦楚者亦足以垂不朽云銘曰

肥鄉縣志

卷之五

四十六
五十一

謂君爲良吏而君以文學鳴謂君爲文士而君以吏
治稱謂君當大受而君已返于冥冥鬱鬱佳城妥君
之靈人號榮名何死何生其孰云吾道之窮噫嘻其
令終

兵部尚書張學顏墓誌銘

任丘劉元震

大司馬張公勲望著天下而公在汴中與家君同藩
臬相善尤夙聞之及不佞登朝公游大用中外駁歷
所耳目公行事有年矣不可謂不知公公令子承祚
等以合葬誌銘請則安得辭按狀公諱學顏字子愚

別號心齋公先世爲廬州合肥人其始祖德山自合
肥遷廣平肥鄉家焉六傳至公父西澗先生應麟貳
守潞安府皆以公贈封如其官母宋氏繼母陶氏皆
贈封一品夫人公生有異徵宋夫人夢顏氏子請于
帝大張氏門因命名及長少子友力學十六歲爲諸生
高等督學使稱奇往省潞安公經黎晉屬邑無一知
者曰知而以餽遺恩我受居貧名不受亦居廉名蓋
自游黌校時已砥節如此識者以遠太期之丁未應
歲薦己酉舉順天鄉試第三人癸丑成進士除曲沃

肥鄉縣志

卷之五

五十一

令寬租省徭大有聲爲晉令冠值三殿災應詔陳時
務擢工科給事中即疏奏大計謂承平久狎有驚武
庫兵朽鈍不可用請除戎器備不虞出爲河南按察
司僉事尋改大梁平王瑟亂進遷山西布政司叅議
守河東道冀南鄉寧流民作梗公威德招撫釋兵歸
田荏苒絕警撫按文章薦公才可當鎖鑰進遷按察
司副使潞安公計聞奔喪哀毀廬墓側多孝感之異
喪終起舊職飭薊州兵事會遼東羽書急朝議共推
公堪秉節旄迺進擢僉都御史開府鎮遼上戰守機

宜十策以功進秩右副都御史再考進遷都察院右
都御史兼兵部右侍郎特召公京營協理自京營集
戶部尚書每詔增額外費公必封還諫止節番度支
累鉅萬爲會計錄以進欲上知天下錢穀數且言帑
藏日積宜大免天下田租報可是歲免天下賦稅數
百萬改兵部尚書中間諫止內操嚴門禁矢中貴人
意因借危言作歌上廉知事起門禁杖作歌者縉紳
中有修舊隙知上怒江陵未解乃以劾江陵戍死故
御史事連公謂希江陵旨公上疏自白撫遼時翼故
肥鄉縣志

御史甚厚都御史某用譎構陷上怒罷之公之心大
白然危甚矣昔伏波將軍奮不顧身破先零西羌平
隴右降交趾老猶出雁門逐鳥桓深入五谿累革自
誓功最鉅信任最篤而不能免惹茲謗誣雖以建武
之明猝不及察公樹勲邊圉國倚長城出萬死宣力
而瀕中橫口微公丹衷結主知天日懸昭鑒不幾爲
馬伏波風哉立心正大慮事精詳故雖傾危累至不
能動搖已丁陶母憂歸杜門守制服闕廷舉者四竟
不起惟以忠孝教子瑋伏波風所著有撫遼議司農

司馬奏議會計錄經史補遺張氏家訓等書嗟乎今
士攘袂談天下事指掌壁畫無難矣其惟任事衆任
事疑爲寡斷獨任事疑爲自專事未成慮爲難首事
既成慮爲投杼故國事難任心事難白與其白心事
無寧濟國事徃徃不能兩得談何容易歟司馬公白
嘉靖癸丑進士起家縣令至登八座直聲在諫垣旬
宣在藩臬勲勞在疆場德望在朝廷鞠躬盡瘁凡四
十年其間萑菲非一竟獨立成功功成謗解終其身
聖眷不少衰非文武壯猷忠貞亮節曷以臻茲余是
肥鄉縣志

卷之五

五十四

以歎任事之難也銘曰華胃書馨邁迹兩生臨胸潞
安儲秀鍾靈司馬承之赫赫亢宗允文允武克敏克
誠風波傾公公亦弗傾維主上之明維公之忠厥忠
如愚深潛朗融佐邦揚烈靡爽坤之錫名維偕德斯
儼並流鴻于九京

戶部郎中賀君恩墓誌銘 曲周劉榮嗣

公諱君恩字錫予號斗墟其先漢中之澠人公少穎
異不屑與群兒暱十四試于邑輒居高等先達翕然
器之居父喪貧不宿飽益攻苦問學曰將以此報生

我敢自逸乎凡三罹鼓盆之變日奉母親井爨夜焚膏讀書殘漏孤燈形影相弔有人不堪其憂者每試冠諸生四方問字之履常滿戶外以公之教補博士弟子員者百四十餘人公乃收硯田代薪水朝夕展懽膝下癸卯中式爲本房冠偕計吏北上聞母病而返或謂暫留數日試事可完公曰方寸亂矣試亦不第即第不以易病中一日養也母見公歸喜病小間曰病固竟死然以一握兒手爲快逾十月而卒公哀毀如居父喪所益感慟者養具粗備而弗能逮如窮肥鄉縣志

人無所歸矣庚戌以乙榜署玉田縣教諭其教玉田士如及門受業士乙卯陞南國子監學錄其教國學士如玉田士師道立而善人多鄉國天下其義一也戊午陞南戶部司務時東西交訐徵求四出司農仰屋而嘆計畫無之且以留都庫藏爲不時之需留都司農又屢缺前後署事者調度查覈倚公如左右手先是管水兌差者爲奸人所持包收包納糧解不堪其累大譁司農慰勞撫定問所欲得接管之人則曰願必得賀公司務前無管差例以譁故使公署其事

公盡革國頭買籌等弊出納以平諸軍糧解舉手加額曰從來水兌無如此楚楚也自是部中一切苦差如草場鹽政爲人所薄不欲試紛不能理者一切倚公公豁然辦之聲名籍甚辛酉山東妖賊起南薄徐州留都震動南司馬議兵北援諸軍擁馬首譟曰督糧者非賀公死且不往戶兵兩部禁題公爲督糧道監諸軍事會賊平事寢八月陞本部山東副郎中九月奉勅管理北新鈔關稅司物故一時大猾乘機規利捏造揭狀投遞各衙門曰某利當興某弊當革關肥鄉縣志

卷之五

五六

政以蠶司農于公選擇而使不次及公而忌公者遂欲借察典中公于公力解方已及就事稅務蕭條不當前者十之二三蓋遼左未寧黔蜀告變加以山東妖寇爲梗淮陽以下舟楫不通久矣公益與爲寬政蠲科罰除奸宄商旅皆悅而願出于其闕報滿之日除完新舊兩額外仍完前任物故者未結之局吁亦艰矣竟以此積勞殞身抑何清白自砥愛以其身爲天下不以天下愛其身也又聞公公私束修前後置田七百餘畝盡付伯兄族中不能耕以讀者多所聞

恤其年某友不能以父喪歸里探囊得八十金悉以
予之居恆助人婚葬小者不及概錄以公起家貧屢
坎軻萬狀又好自修潔不欲爲苟受宜苟中無長物
而樂與好施急公行義又如此此不足以盡公公可
知矣銘曰學有餘爲人師白有餘涅不淄力有餘事
以治世之儀國之維以開爾後之鑒

贊

平原君贊

唐司馬貞

翩翩公子天下奇器笑姬從戮義士增氣兵解李同盟定毛遂

劉邵人物志贊

晉阮逸

該覽周洽網羅萬言述性品之上下究材質之蕪偏
鏤情雕性尋流照原八觀九則善惡判懸繼聖哲之
遐軌棄諸子之蹄筌約中庸而晰天理歷千百載而
其旨鮮妍王者可列龜鑑士君子可佩常弦良金美
肥鄉縣志

卷之五

五十八

玉橫啓群觀

宋列人子贊 諱舟

齊魏收

出類拔萃王佐之才舉止閑邃稱善帝懷司馬司徒
矯矯風裁迹參頤命遷擢榮階銓曹甫及蘭玉先摧
羊舌之祀卜玉長悲

竇文正公贊

明宋濂

有倬竇公閭閻而馴雍雍而惇炳炳而文大衣垂紳
似不能言及摧權姦勢將排山網常之陳皦若白日
照耀天下至今有赫大道既明方藝亦精凡歲所及

以死爲生其學之醇其志之忠宜耄矣之嗟發自帝
衷

曹公司空實錄贊

賀君恩

公治列人余承道契及遊白門公久即世讀公實錄
景公高義性秉清貞操持果毅讀古人書識天下事
抵掌而談類中窾會苞舉汎畧興善釐敝渡箴津梁
父老稱利振窮掩齒雲天義氣昂族高門恬不怙勢
彌親彌踈曾無脂膩格磔豪奴絕足時貴居爲君子
出則循吏清畏人知政成卓異寒春起痾強圃不畏

肥鄉縣志

卷之五

五九

赤白探丸潢池遠避清蠹均徑申寃理滯星史醫卜
耕桑樹置庭畔懸魚闔邑利濟瓜期祖道父老隕涕
祠宇煌煌聲稱奕奕臺山漳水於今未替留曹白雲
諸璫畏避云胡拂衣直道見忌杜門課讀天人道器
性命之餘以迄象緯采綴成書名曰中議評古鏡今
篇三致意公先句曲徙居新市司空之姪方伯之兄
累世孝廉君其苗裔若不好弄生而早慧家延肅雍
內則咸備嚴若朝典居無媒戲辭豐就約耳分羨兼
有子若孫俾昌且熾豈曰阿私子門下士紫已愛民

詳人品記公祖公父毘陵同祠

肥鄉縣志

卷之五

六

詩

魏

浮萍

馮元興

有草生碧池無根綠水上脆弱惡風波危微苦驚浪

古渡秋風

臨川鄒理

瑟瑟西風古渡頭淒然芳草幾經秋鷗飛斷岸天將
暝日落寒江水自流十里煙霞迷望眼萬家砧杵隔
滄洲遊人莫謾生新恨今古無窮宋玉愁

天臺晚眺

喬年

肥鄉縣志

卷之五

三

層巒疊障聳晴空匹馬西來第一峯滿目烟霞春雨
後萬山蒼翠夕陽中鍾聲撞破樓頭月花氣飄殘檻
外風尋僧更訪山腰寺半醉題詩峭壁東

漳水春遊

蔣良寶

花柳漫郊弄曉晴春光入眼正分明溪頭小酌陰邊
趣馬上停杯物外情野寺何人橫短笛東風幾處聽
啼鶯夕陽回首城南路更喜民謠頌太平

登蓬萊閣

郭璽

海上何年有此亭我來真得瞰方瀛洞中仙酒蛟龍

曠雲裏玉簫鸞鳳鳴日近始知城不夜風迴惟喜雪
初晴白鷗作伴閑眠久贏得人間吏隱名

登岳陽樓觀洞庭湖

郭崇嗣

歲晏驅車過岳陽危欄回首鬱蒼蒼洞庭水闊商帆
集楚岫雲開雁字長泣竹千年逢二女懷沙何處吊
三湘蕭蕭風落江流急落日登樓悲未央

天門巖

李枝秀

突兀危峯起崎嶇狹路通石標千古色虎嘯滿林風
看纂懷明德談禪憶智聰買山錢不用未可嘆途窮

肥鄉縣志

卷之五

二十一

春日卜居

杜國華

世情無底極卜築且舉居小茨隨簷短長筇任杖徐
柳吹春竈火花發夜園蔬客至無別供床頭數卷書

新居社日見燕

杜國華

社日看將至梁間燕子鳴戀花忝舞蝶拂柳間流鶯
未遂新巢願頻傷故壘情幽棲飛未定何以異吾生

寒食

李良翰

風雨臨寒食偏驚流浪情梅花香信遠芳草客愁生
青眼故人少白頭世事輕還餘一樽酒東海吊田橫

萬嶺雲屯古木蒼千尋瀑布瀉秋光山家不解參
味共道崗南野菜香

瑞峯庵和韻

張懋忠

清切龍盤地連山集百靈小村紆氣紫孤嶂插空青
入峽形疑束排林意暗停一庵留半偈片硯勒貞銘
西邁虹旂駕南瞻翠敞屏猗猗逢怒石惆悵別危亭
終藉津梁返君聽澗水冷

潭河渡

張善教

肥鄉縣志

卷之五

五三

登途舒眺望石路野田穿風軟松遮徑波輕客下船
間雲常帶雨晴日亦拖煙貪賞東山寺舟人倚醉眠

古渡秋風

李逋

野水涼風吹蓼花晚烟帶濕似朝霞明月渡口漁
亂雲起船頭帆影斜秋老方知宋玉苦詩興只看杜
陵賒世間舟子通鷗意蘋白渚清落雁沙

宛懷草堂招飲

李愷

同人且永日選勝此焉過頓訝塵容失還欣物象多
臺山留昔秀漳水送遙波一望悠然處臨風發嘯歌

漳水

賀應旌

烟籠柳岸水盈盈徒倚城隈百感縈一色長天排浪影千尋斷港起波聲園饒淇竹悲何策留隕茗華痛我生只有蛙鳴無箇事公私不管到天明

晚投山寺

張繹

策馬投荒寺輕陰散晚風嵐光噴月小漁火點波紅雁陣空冥裏村煙漸續中不知山路險乘興訪支公

大雪

張祖岱

冰結銀爲柱花飛玉作林半青微吐栢純白不分岑

肥鄉縣志

卷之五

六十四

路引尋梅興樓成和雪吟烹茶吾自掃不效党家斟
輓路氏姊姒以兵亂投河死 李貞吉

真卿 杲鄉兄弟兩忠節髮膚豈不愛所爭在帝轍
我舌及我身九九地上血志與松筠堅不隨秋草折
天臺有蕙蘭奕世乃齊烈于莽驚伏戎珠玉同沉滅
多少巾幗流一門著雙絕嗟彼鬚眉人朝秦復暮楚
勞勞空自拙

竇塚弦歌

賀文瑤

公為萬古植綱常髣髴衣冠遊北邙鴻名已留金石
永血食猶聞俎豆香孔門弟子先生志竇塚師資百
代芳弦誦不離悲歌調忻看吾道在衡漳

過天臺山市有感

程學禮

天台山勢半蹉跎三十年来感慨過往蹟誰知傳趙
勝里名一自失荆河遺他市語悲歌散且傾村酒醉
顏酡陵谷不堪回首處日暮獨上古城坡

新築文靖公墓成

李宗桂

肥鄉縣志

卷之五

六十五

風度端凝古大臣如今壘墓又重新荒城此日無丞
相舊國當年有聖人時事暫隨棋局變勳名常載史
書真看碑碣魏然處沛氣仍留萬古春

重築李文靖公墓

焦利生

文靖遺邱幾代淪一朝修舉又鮮新封壘不沒通明
相崇祀還瞻柱石臣風度當年天子貴清標此日聖
人真卿雲布護千秋影碣石昭回萬古春

